


滿洲名臣傳

廿三上



內閣文庫		漢書
架	冊	號
三八	一六〇	二三〇五

內閣文庫		漢	230
番號	冊數	函號	
二	160 (45)	290	43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



滿洲名臣傳卷二十三

富寧安

海青

拉錫

薩穆哈

姚啟聖

葛禮

李輝祖

鄂善

赫壽

阿山



富寧安列傳

富寧安滿洲人藍旂人姓富察氏大學士阿

蘭泰之子也其從祖尼喀納以隨征逆藩吳

三柱有功得騎都尉世職康熙二十五年卒

無子以富寧安襲尋授侍衛任佐領遷驍騎



滿洲各員傳 卷二十三  
恭領兼管火器營事四十一年授副紅旂滿  
洲副都統四十四年擢正黃旂漢軍都統四  
十六年改授都察院左都御史先是富寧安  
以副都統署倉場侍郎至是仍兼任疏言大  
通橋舊設滿漢監督四十一年裁併坐糧廳  
兼管今會清河糧務改歸坐糧廳經理勢難  
兼顧大通橋請復設監督事下戶部議從之  
四十七年五月遷禮部尚書仍  
命兼管倉場事四十八年二月

聖祖仁皇帝諭廷臣曰朕觀部院官員辦事  
優而又極謹慎如富寧安者未可多得能始  
終不易則善矣三月調吏部尚書又  
諭廷臣曰富寧安從武員擢用人皆稱其操  
守兼善是以授爲吏部尚書今部院中欲求  
清官甚難當於初爲筆帖式時卽念日後擢  
用可爲國家大臣自立品行也五十四年四  
月  
上以策妄阿喇布坦侵掠哈密

勅西安將軍席柱甘肅提督師懿德等領兵  
援勦

命富寧安率侍衛等前往總統調度

諭之曰朕以爾堪信任故命爾前往軍機大  
事毋遲緩爾至彼有急應調遣之事不必請  
旨卽與將軍席柱商酌而行時賊兵二千餘  
逼哈密城駐防哈密遊擊潘至善率綠旂兵  
二百擊斬賊兵九十人生擒三人賊解圍潰  
走五月富寧安至甘州同席柱奏言吐魯番

與哈密接壤係準噶爾咽喉要地當先取之  
大兵秣馬五旬應齊赴巴里坤從哈密之北  
大山後烏蘭烏蘇路進兵闢展越山取吐魯  
番相機進勦

上命富寧安至巴里坤擇水草佳處駐兵俟  
明年前進尋

詔還駐肅州經理糧馬五十五年奏言自嘉  
峪關運糧至哈密應設十二台用山西陝西  
小車三千兩每車用三人每台分車二百五

海濱各目傳 卷二十三  
十雨陸續轉運哈密至巴里坤雖近中有科  
舍圖嶺間之自哈密至嶺之南設三台令駐  
哈密兵牽駝運送自嶺北至巴里坤亦設三  
台令駐巴里坤兵接運又言哈密所屬布魯  
爾圖古哩克接壤處並巴里坤都爾博勒津  
喀喇烏蘇及西吉木達哩圖布隆吉爾附近  
之上浦下浦皆可開墾以裨軍食又言布隆  
吉爾諸處田禾豐收人民漸集請遣官建倉  
廩及收貯農器房屋並于西吉木設赤金衛

達哩圖設靖逆衙西喇郭勒設柳溝所分置  
守備千總同知通判兼管事並下議政大臣  
如所請行五十六年三月授靖逆將軍駐巴  
里坤

命同振武將軍傅爾丹副將軍祁里德分界  
覘戰情形六月富寧安率兵赴烏魯木齊擒  
回人一百六十有九獲駝馬牛羊無算七月  
至畢雷圖厄魯特兵三百餘尾我兵後我兵  
還擊擒斬數人餘賊越山遁乃還師五十九

清史各目傳 卷二十三  
年七月進兵烏蘭烏蘇令侍衛哲爾德克什  
圖阿玉錫等分道襲擊擒阿克塔斯哨卒餘  
賊望風竄遁復於伊勒布爾和碩奪賊谷中  
馬百餘破其所踞山隘獲台吉垂木珀爾斬  
賊三十餘生擒二十四人別遣散秩大臣阿  
喇納等率兵諭降闢展城回人進擊吐魯番  
降其酋長獲馬駝甚多十月疏言我兵襲擊  
賊境大振軍威賊人窮促遣使乞降不過爲  
緩兵計耳奸詭之性不足深信請乘勝直搗

賊穴臣所統巴里坤固原甘肅兵萬有七千  
請選八千人由額稜哈畢爾漢路進六千人  
由吐魯番阿勒輝路進各持三月糧應令巡  
撫綽奇設置台站先期運米及馬駝至巴里  
坤草廠豫備進勦疏下傳爾丹祁里德會議  
議入復下九卿詹事科道詳議如富寧安請  
命選傳爾丹軍前三千人並其軍明年四月  
以烏蘭烏蘇地狹移兵駐伊勒布爾和碩尋  
奉

諭暫停進剿時策妄阿喇布坦遷其所屬吐魯番回人而行回人多不願往中道遁回駐魯克齊木眾萬餘擊敗賊所遣宰桑和勒博斯額木齊兵推托克托瑪木時爲首赴我軍乞降富寧安以

聞且以屯兵守護糧運維艱入奏

上諭議政大臣曰策妄阿喇布坦旣不能移吐魯番回人又不能護衛準噶爾之人其萬不能敵我兵明矣回人歸降卽係吾民其令

富寧安派綠旗兵一千察哈爾厄魯特蒙古兵一千赴吐魯番駐劄收撫安插如遇賊眾侵擾速行救援無使失所富寧安乃遣阿喇納率兵二千駐吐魯番收撫回人九月聞賊眾來犯又遣副都統壯圖穆克登各率兵二千援剿而自率兵四千進駐伊勒布爾和碩調遣策應會阿喇納自吐魯番與賊迎戰屢敗賊眾賊遠遁乃還駐巴里坤六十一年四月疏言嘉峪關外布隆吉爾之西爲古瓜沙

海濱各日... 卷二十一  
燉煌地昔魯建城屯種遺址尙存且濱河土肥若駐兵屯牧設總兵官一人統之可扼党色爾騰之路六月又請專遣大臣領屯田諸處儲糧事宜又言駐守官兵月糧及進剿大軍裹帶隨運糧若一時並輓費多而人亦不給今巴里坤牧駝悉臆壯又于喀爾喀買駝至八月皆肥以駝運糧甚便乘炎熱草盛時分起領運南路至哈密北路至圖古哩克軍營收貯免使臨事張皇

上並可其奏是冬

世宗憲皇帝御極授武英殿大學士仍駐巴里坤管理軍務三年二月

上以富寧安在軍營久謹慎小心

賜勅獎諭并

賜帑銀二萬兩四年十一月還京

賜御用冠服並雙眼孔雀翎黃轡鞍馬及朝珠銀緞

諭王大臣曰富寧安自任將軍一心肫篤爲



國宣力再三奏請進兵

皇考憐念準噶爾生靈不忍剪除是以未允其請倘如所奏富寧安定能滅賊矣軍中約束兵丁辦理諸務井井有條且行止端方廉潔年來領兵將軍聲名未有出其右者寔心奮勉不負任使益彰皇考用人之明朕寔嘉受其錫世襲侯爵以示殊異于是由騎都尉晉爲一等侯五年四月

諭獎其公忠誠寔加太子太傅七月管順白

正紅二旗漢軍都統事十月

命往西安署駐防將軍六年五月

諭兵部曰富寧安署理將軍爲時已久所屬武職並未題補一次省城管兵之員關係甚重在富寧安之意以爲可俟新授將軍常色禮到日題補曾不計常色禮于今冬自軍中至京明春方到西安如許員缺安可經年虛懸富寧安曾爲巴里坤將軍西安官員認識

過半何難量才授任况現在大學士尤不宜  
苟且推卸若此朕向日聞其操守好辦事誠  
篤自任大學士以來恩賜頻仍錫封侯爵寵  
眷優渥理應屏除一切奮不顧身乃惟自圖  
保全膜視國事深負朕恩其交部嚴行察議  
部議革大學士及一等侯得  
旨削恩賞世爵免革大學士六月以疾卒于  
西安事  
聞

諭曰富寧安人品端方操守廉潔敷歷中外  
懋著勤勞勤慎小心始終一致簡任綸扉正  
資倚毗忽聞溘逝朕心深為軫悼其喪觀起  
程及歸途之費令陝西督撫料理所過地方  
官員于觀前奠醖仍下部議卹槨至京  
遣郡王及內大臣侍衛奠茶酒  
賜祭塋如典禮諡文恭十年九月入祀賢良  
祠其原襄尼喀納之騎都尉世職以嗣子烏  
魯理襲

子岱豪附

海青滿洲廂黃旗人姓戴佳氏父噶祿順治五年襲其叔色赫騎都尉世職三遇

恩詔加至三等輕車都尉十三年色赫之子塞勒年長改令襲職噶祿初由侍衛兼內務府主事累遷內務府總管

聖祖仁皇帝特授世管佐領卒後以海青襲海青甫十餘歲卽任侍衛入直

御前游擢一等侍衛康熙三十四年因征噶

爾丹增造制勝砲

命海青于景山內董其事凡鑄砲四十有八工既竣

勅入旂都統每旂選砲手一人各資砲一由

驛馳送大將軍費揚古軍中三十五年二月

上親征噶爾丹海青從三月辛未由青城

駐蹕滾諾爾遇雪從官及軍士服物由車運

者及暮不至

上命海青以馳載既至之

丙府帳房及食物柴炭分

賜令棲息舉火海青尋復

命奏言軍士因衣服沾濕寒冽殊甚且未得

爨食者多得蒙

頒給帳房食物柴炭眾皆歡躍如慶更生

上又諭曰馬亦畏寒其瘦者猶可無恙肥者

或致凍斃宜順風馳二三里許令人圍繞之

使氣息漸溫則無妨矣可諭眾知之四十一

年正月奉

命同侍衛五格往西安校閱駐防騎射四十

二年二月

上南巡

駐蹕山東長清縣界首鋪夜大風南村失火

延燒民舍海青率侍衛等撲滅之翌日

諭巡撫王國昌率司道等察火燬房屋

賜銀散給

命海青監視四十九年七月疾劇

遣誠親王允祉同侍衛常壽視之

南州名臣傳

卷二十一

七

諭曰海青自幼侍直內廷扈從巡幸甚爲出力現今不及伊之人已得爲副都統爾等往其家視疾卽宣述旨意授爲副都統未幾卒賞銀一千兩

賜祭葬如典禮諡曰果毅

世宗憲皇帝御極贈一品大臣

今上乾隆元年贈加太子太保長子來文襲管佐領游擢副都統護軍統領江寧將軍見大臣表次子佛倫官至領侍衛內大臣第三

子岱豪初任侍衛雍正五年三月授廂白旗漢軍副都統兼佐領六月調廂白旗蒙古副都統七月調正白旗滿洲副都統六年五月署正藍旗護軍統領兼署廂白旗滿洲都統七年三月

命靖邊大將軍傅爾丹征噶爾丹策凌以岱豪爲叅贊大臣八年十月罷叅贊仍以副都統留軍營九年六月傅爾丹令前鋒統領定壽副都統蘇圖同岱豪率兵擊賊于庫列圖

嶺斬賊四百餘越一日賊兵二萬從高阜來  
犯我營眾軍戰卻之傅爾丹令移營和通呼  
爾哈諾爾賊兵潛伏山谷伺我軍甫移突入  
列陣阻截忽大風驟起雨雹交加賊并力衝  
散我軍定壽蘇圖分路剿賊爲賊所困副都  
統錫賚遣索倫兵援定壽索倫兵潰走賊勢  
猖甚晝夜環逼我營岱豪遂在營自縊死明  
年五月靖邊大將軍順承親王錫保以岱豪  
列陣亡冊入奏部議予祭葬祀昭忠祠授騎

都尉世職子倭克精額襲

今上乾隆二十年六月

諭廷臣曰昔年和通呼爾哈諾爾進兵時岱  
豪等既不能殲賊立功又不能奮身拒敵束  
手受困徒以自盡了事夫果有損軀之志何  
不死于矢石間爲此婦人女子之所爲乎對  
敵之際而領兵之人相率自盡豈不先折士  
氣似此怯懦無能之人損威失重卽自行引  
決猶當將子孫議罰尙何功之可錄乎所有

和通呼爾哈諾爾等處用兵所得世職人員  
著軍機大臣及該部詳悉查明如有冒濫應  
行裁革者奏明請旨用副核寔獎勵之道尋  
允廷臣議定壽蘇圖銜鋒陷陣矢盡力竭効  
忠自盡其世職准襲岱豪錫賚密承國覺羅  
海蘭赫達色在營中自行引決與奮身拒敵  
親冒矢石者不同並裁革世職

拉錫列傳

拉錫蒙古正白旗人姓圖伯特氏

聖祖仁皇帝康熙三十年由親軍授藍翎侍  
衛三十七年遷三等侍衛四十二年遷二等  
侍衛四十三年四月

命同內閣侍讀舒蘭往窮河源九月還京復  
命繪圖以奏語具舒蘭傳四十九年正月  
諭大學士等修纂滿洲蒙古合璧清文鑑以  
拉錫與教習唐古特書之蒙古官阿爾必特  
祜等會同繙譯五十三年遷一等侍衛六十  
一年十一月

世宗憲皇帝御極

命管理藩院侍郎事旋授順白旗漢軍副都統又擢正白旗蒙古都統雍正元年八月授散秩大臣時喀喇沁蒙古部落歲歉拉錫請行察乏食人數得

旨據奏俟查覆加賑則現今乏食人必至失所其令戶部派員資銀五萬兩前往一面清查一面給發毋得稽遲十月調本旗滿洲都統仍管理藩院事十一月

諭王大臣日拉錫任正白旗滿洲都統未及

一月卽將本旗事件徹底清查明晰具奏著賞給騎都尉世職以爲盡心辦事者勸二年

二月奏言八旗閒散人蒙

恩旨挑取養育兵前臣等會議計甲喇人數挑取令正白旗滿洲各甲喇應行挑取者多寡不等請無拘甲喇通計一旗挑取如額數皆允當得

旨所奏甚是可通行八旗均照此辦理六月



海沙各目傳卷二十一  
奏言察哈爾右翼四旗屢失去馬匹請  
勅所司嚴捕竊匪下理藩院議行七月授議  
政大臣八月劾奏二等侍衛武爾登額越分  
妄用引馬

上曰所奏甚爲可嘉凡爲大臣者悉宜如此  
爾心整飭豈可謂妄訐細事耶先是

諭入旗都統曰朕前降旨清釐入旗拖欠庫  
銀遲之既久爾等並未具奏拉錫甫在都統  
兩月所奏甚詳朕但令一二人償還其餘盡

行賞免拉錫誠能仰体朕心者所賞世職尙  
未從優也至是

命以騎都尉兼一雲騎尉三年四月兼管太  
僕寺四年八月以隱匿烏梁海事不奏吏部  
議革職治罪得

旨拉錫將烏梁海之事有心隱匿情殊可惡  
但伊辦理旂務亦有效力處從寬免治罪其  
議政大臣散秩大臣都統兼管理藩院及賞  
給世職俱革退以一等侍衛管太僕寺卿事

滿洲名臣傳 卷二十三  
効力行走五年五月授廂白旂滿洲都統十  
月署江寧將軍六年十二月署天津滿洲水  
師營都統七年四月疏言水師營管兵俸糧  
每歲從北倉新廩逐月運送往返紛繁請于  
水師營堡城內西北隅蓋造廩房二座截留  
運往薊州遵化漕米三萬石備貯二年之需  
俟支放一年外每年截留一萬五千石易陳  
支放並設倉大使一員專司出入事下部議  
如所請九年八月授領侍衛內大臣署正白

旂滿洲都統十一年十二月卒

薩穆哈列傳

薩穆哈滿洲正黃旗人姓吳雅氏順治十二  
年進士授戶部主事十五年遷本部員外郎  
康熙十二年九月

聖祖仁皇帝允吳三桂撤藩

命薩穆哈偕郎中党務禮席蘭泰主事辛珠  
筆帖式薩爾圖等赴貴州豫備大船芻粟  
諭曰向來驛地困苦今則更甚矣爾往慎勿

騷擾亦無效遲悞也既至黔吳三桂陰與藩  
下都統吳應麒等謀反十二月雲貴總督甘  
文焜得從賊提督李本深招降貴州撫曹申  
吉逆書遂告知薩穆哈及党務禮等趣令赴  
京入奏并請湖廣援兵薩穆哈馳抵鎮遠鎮  
遠官吏已得吳三桂偽檄不給驛馬薩穆哈  
語党務禮曰偕行人眾而馬不給欲勿遲勢  
有不能恐誤事吾二人可馳往前途易馬遂  
與党務禮先至沅州乘驛疾馳十有一晝夜

至京備陳吳三桂叛逆雲南巡撫朱國治遇  
害及甘文焜請兵赴援狀

上命前鋒統領碩岱率兵馳守荊州

勅遣王貝勒大臣統師進討先是席蘭泰乏  
馬自鎮遠乘小舟至常德乃得乘驛較薩穆  
哈党務禮遲七日至京辛珠薩爾圖在貴陽  
不及行並死于賊甘文焜因貴陽難守率十  
餘騎至鎮遠叛將江義以兵阻之自刎死事  
詳甘文焜傳十三年二月薩穆哈遷刑部郎

中十四年六月

命吏部優敘告變功薩穆哈党務禮席蘭泰並應陞光祿太僕等卿十五年二月授薩穆哈太僕寺卿十六年二月遷內閣學士六月擢戶部右侍郎尋轉左十八年正月奉命察賑山東奏言東省歲飢青州濟南兗州所屬爲最苦支給德州臨清二倉米石運價不貲且恐不能速至臣與撫臣趙祥星議就近截留濟寧州漕糧五萬四千餘石卽行散

賑其距水稍遠州縣先酌給銀兩均不至乏食疏入

報聞明年五月疏言臣屢奉

簡命所過直省州縣間有藉稱送差科派民財深滋擾累請嗣後除事關重大仍

特遣部院官員外其餘概停差遣部員交各督撫辦理得

旨薩穆哈奏州縣藉稱送差科歛百姓所見最眞部院大臣奉差出外本非得已其藉端

科欽之州縣應嚴行禁止下九卿詹事科道  
會議尋奏州縣科欽俱照貪官例議罪其失  
察上司並交部議處七月調吏部左侍郎二  
十年五月擢左都御史十二月遷工部尚書  
二十一年五月奉  
命察視石景山至盧溝橋石隄奏言石景山  
隄內本係官地自康熙元年招民開墾荒田  
十頃以致侵損隄根請  
勅戶部豁免所征糧銀仍飭盧溝橋都司巡

察毋令再行耕種踐踏如遇雨水衝坍并令  
隨時詳請報部修理從之明年十一月山西  
地震

命薩穆哈察視十二月奏崞縣忻州定襄五  
台代州及振武衛被災尤重請發帑賑濟得  
旨山西新經地震雖遣官察賑其崞縣等處  
地丁錢糧仍分別蠲免以示軫恤二十三年  
正月

上甄別部院大臣以薩穆哈電勉供職部務

漸覺整理

諭獎之復所降級二十四年十一月河道總督靳輔請于高郵寶應諸州縣下河築隄束水以注海按察使司于成龍請開濬海口故道大學士九卿議從靳輔

上詢問日講官之籍隸江南者侍讀喬萊是成龍議力言靳輔奏不可行

上曰鄉官之議如此未知百姓如何濬河原以救民其令尙書薩穆哈及學士穆成額速

往淮陽會同漕運總督徐旭齡巡撫湯斌詳問地方父老有利無害方可舉行二十五年二月薩穆哈還奏詳問居民僉言從于成龍議則積水難施工力從靳輔議則水中亦難取土請並暫停

上諭曰海口不濬則泛溢之水無歸濬之使水有所洩淹浸田畝可以涸出令薩穆哈與于成龍同九卿再議尋以成龍言欲開海口必修治申場河費至百餘萬兩九卿奏停之

是年湯斌入爲禮部尙書奏言開濬海口原  
以水大暫停若竟中輟萬一再遇水災下流  
諸城付之巨浸矣向曾與薩穆哈言之  
上召問薩穆哈奏曰臣等會勘海口七州縣  
人民各陳地方情形語言不一擇其通達事  
休者每州縣十人詢以利害皆以開濬爲不  
便故暫從輿論  
上曰爾意此河可以開濬否奏曰大隄恐不  
能築若將下河高阜陸續疏通使積水入海

似亦可行仍下大學士九卿議如于成龍前  
奏行

特命內閣學士孫在豐督濬之

諭曰下河眾議應開薩穆哈何獨以爲不可  
下部議以回奏失寔革職得

旨在佐領行走尋授步軍翼尉三十二年仍

擢工部尙書三十九年三月

召工部堂官

諭曰淮揚百姓久罹水患亟宜拯救此事爾

等專責近日河工徒費帑銀毫無裨益推原  
弊端皆在爾部凡河臣啟奏恐干部駁隨卽  
遣人營求爾部爾不受其請託者若此弊不  
除黃運河何由奏績薩木哈奏曰臣等卽當  
遵

旨嚴禁

上曰豈止嚴禁他人卽爾等亦宜改悔九月  
工部上本年襍項報銷冊復以估計浮多具  
題檔案不開細數及委員多瞻徇情託之弊

傳

旨申飭並

諭薩穆哈曰爾部叢弊甚多每給發工銀司  
員多侵蝕入已爾在部年久豈得諉爲不知  
爾當自爲身計是月薩穆哈以老病乞休得  
旨薩穆哈在職四十餘年部務何以不知弊  
端何以不悉乃歷年碌碌帑金皆致虛糜及  
奉嚴旨遂欲卸端離任虛僞巧詐已極着革  
職仍令稽察工部弊端一一舉出倘仍前執



清史名臣傳 卷二十三  
謬朕不能寬貸也四十三年正月  
諭內務府大臣曰去歲京城內外河道支領  
帑銀甚多修築甚少朕早已聞知爾等携工  
部冊檔往工所察勘核估具奏尋奏外河監  
督色克圖領修二十六處止修十處蝕銀一  
萬五千餘兩內河監督鄂爾吉納領修六處  
止修二處蝕銀三千餘兩工部堂司官未  
經詳察輒將帑銀給發並請議罪事下都察  
院刑部審擬色克圖鄂爾吉納並論斬工部

堂司官分別擬罪有差薩穆哈收受色克圖  
馬匹又從家人索匠役銀三百兩事發後始  
給還擬絞候五月法司復奏前任監督噶楚  
哈圖木岱彭騰翊等侵帑罪狀噶楚哈等揭  
各堂官皆受賄薩穆哈歷收銀二千三百餘  
兩請

旨嚴鞠薩穆哈以年老衰頹負

恩虧帑願將家財還項籲請是月以病卒于  
獄應追銀兩令其子完繳

姚啟聖浙江會稽人順天十六年附族人籍隸廂紅旗漢軍由康熙二年舉人授廣東香山知縣八年以擅開海禁罷任十三年逆藩耿精忠據福建叛遣賊眾陷浙江温州府城及台處二府屬縣

聖祖仁皇帝命康親王傑書統師進討啟聖捐資募兵赴軍前効力委署諸暨縣同守脩黃河清勦平紫瑯山土賊十四年正月康親

姚啟聖列傳 子儀附

王疏陳啟聖勞績得

旨授浙江溫處道隨都統拉哈達勦平松陽宣平二縣十五年八月同副都統沃申總兵陳世凱勦賊石塘焚其木城斬獲甚眾乘勝復雲和縣十月康親王進征福建耿精忠降尋以啟聖為福建布政使時海賊鄭錦踞漳泉興化大軍進勦啟聖籌備甲冑弓矢及戰馬以脩軍用十七年五月總督卽廷佐奏啟聖自攜兵千餘令其子姚儀統領隨大軍勦

海沙名目傳卷二十三  
賊屢著捷功其贍兵購馬製械先後用銀五萬餘兩皆出已貲得

旨嘉獎尋擢福建總督值賊陷海澄長泰同安惠安平和等縣啟聖條上十疏一請調福寧鎮兵會同入旂兵及浙江提標兵勦賊泉州調衢州贛州潮州三路兵勦賊漳州一酌給投誠官兵俸餉以安反側一願自捐糧米增募督標兵五千一薦舉浙江賢能文武官二十員請令赴閩調遣一增價糴穀一萬石

米五千石貯備軍食一分兵防守要路設站運餉一請復設漳浦同安兩鎮總兵官一闔省經制兵舊有五萬一千七百餘名請增設一萬八百名俟賊平裁撤一嚴禁管兵官以廝役冒估兵額一申明臨陣勝敗賞罰格以振軍心疏下議政王大臣等詳議惟衢贛潮三路兵皆在要地未便調閩又既增督標兵毋庸再廣通省經制額餘並如所請行七月啟聖同海澄公黃芳泰遣兵由永福進復平

和及漳平二縣九月賊帥劉國軒等犯漳州  
啟聖同將軍賚塔都統沃申等率兵進勦大  
破賊于蜈蚣山復長泰縣叙功晉正一品九  
月遣其子儀率兵抵同安賊棄城遁追斬僞  
副將林欽等十月啟聖同副都統吉勒塔布  
提督楊捷等敗劉國軒于江東橋又敗之于  
潮溝十八年正月劉國軒糾黨吳淑何佑等  
踞郭塘歐溪頭欲斷江東橋以犯長泰啟聖  
同賚塔楊捷及巡撫吳興祚等遣兵邀擊大

破之先後招降僞官四百餘員賊兵一萬四  
千餘名五月劉國軒吳淑等率賊萬餘謀奪  
江東橋檮山寨啟聖同賚塔石調聲擊敗之  
至太平橋潮溝殺賊千餘十九年二月同賚  
塔楊捷石調聲等督兵攻復海澄縣時提督  
萬正色先克海壇啟聖同賚塔及總兵趙得  
壽黃大來等分兵七路並進破賊十九寨又  
別遣將弁乘潮渡海克取金門廈門招降僞  
將軍朱大貴楊彪等是年秋恢復長泰等縣

欽功晉兵部尙書太子太保二十年四月左  
都御史徐元文疏劾之曰啟聖自爲香山縣  
知縣穢蹟彰聞革職提問永不敘用祇以逆  
孽變亂孑身戎行遂冒軍功驟致節鉞正當  
殫力竭忠以報

恩遇不謂素性乖張舉措輕妄以虛詞爲寔  
事以乾沒爲已貲其言欺罔無據其心險側  
不平臣請畧舉數端有大可駭者大臣官員  
侵佔民利煌煌嚴禁而啟聖前者妄請借司

庫銀十二萬兩經營取息可駭者一啟聖自  
陳疏稱家無片瓦而以臣所聞啟聖揮霍金  
錢不異泥沙題報軍前捐銀十五萬兩有奇  
此銀不從天降不由地出謂非尅軍餉朘民  
膏臣不信也可駭者二闖省民困已極啟聖  
不能加意存撫乃拆毀民居築園亭水閣日  
役千人舞女歌兒充牣房闈又強取長泰縣  
鄉紳戴璣孫女爲妾委其兄戴法署教官物  
議沸騰可駭者三海壇進師啟聖力爲阻撓

一則曰不敢輕舉喪師辱國一則曰不敢以封疆爲兒戲及恢復海壇繼取金門廈門又言當直取臺灣其始則欲養寇其繼又欲窮兵可駭者四啟聖有卒數萬與海壇萬餘之賊相持三載不能成功乃欲令水師提督統新降之眾遠涉波濤以圖萬一之僥倖繼因詞窮理屈卽自請出師漫無佈置始爲是語以塞人口可駭者五吳興祚萬正色平海奏功啟聖心懷慚妬跪向侍郎溫岱云正色密

遣人與偽都督朱天貴約定投誠隨讓海壇而去其言尤爲不根海壇賊遁之後朱天貴尙爾狂逞啟聖疏云廈門雖經恢復而朱天貴寔爲後患則所云讓去者顯係妄造臣不知啟聖何心與驅除海逆者作難如此可駭者六總兵封疆大吏乃因欲行讒譖長跪部臣之前失大臣体可駭者七兵部據啟聖之言以爲興祚等冒濫軍功賴

皇上聖明洞鑒萬里令卽行議叙自此勞臣

吐氣人心莫不鼓舞克海賊者既有功則妬  
功者自應有罪總之啟聖恣睢放誕險詐欺  
誣委以崖疆甚非八閩蒼生之福乞  
勅部確察嚴議以爲人臣詭譎行私者戒疏  
入

命啟聖回奏尋奏言臣于康熙十七年十月  
進兵至鳳凰山因一時投誠者甚多犒賞不  
繼與撫臣吳興祚議及外省貿易頗有微息  
前督臣李率泰經畧臣洪承疇曾借帑爲之

遂冒昧上疏未蒙

俞允臣等雖因公起見然不應以瑣事上瀆  
宸聰臣自入仕京中未有產業而軍前捐銀  
十五萬有奇者香山草職後貿易七年頗積  
微貲併臣浙江祖業變價及親朋借貸經年  
累月而後有此數臣視師漳南于康熙十七  
年七月巡邊至省見總督衙門被耿精忠屯  
僞官兵居住以致拆毀倒塌臣因捐貲修整  
每日所用匠夫不過數十名各給口糧工價

滿洲各臣傳卷二十三  
三  
柵外有員役搭蓋小房令其自行拆去至臣  
妾數人俱有子女年已老大並無歌兒舞女  
強取戴璣孫女更無其事教官戴法乃前督  
臣郎廷相批委者臣到任時戴法已署事八  
月矣康熙十八年十一月臣有密陳進勦機  
宜清字一疏請水陸各分五路進兵內稱轉  
盼來春南風一起船隻難行又須坐守一年  
徒費錢糧臣彼時尙爾踴躍豈至次年輒肯  
遲滯且撫臣一經拜疏出師臣卽會同將軍

楊捷親領弁兵進攻島嶼海倉併十九寨上  
下夾攻以分賊勢至得廈門之後卽攻台灣  
臣先于十八年九月有密陳一統規模清字  
一疏云前得廈門棄而不守亦不再攻台灣  
將船隻盡燬以致海賊復起我兵無船可用  
今托

皇上洪福如得廈門之後卽進勦台灣不難  
破卵覆巢是臣欲攻台灣始終如一非旣得  
廈門方請宜取台灣也及十七年九月臣等



海洲名臣傳 卷二十三  
大敗海賊于蜈蚣山寔因兵單不能分取海  
澄觀音山等處至十月中催各路官兵到漳  
而賊已深溝高壘矣平南將軍臣賚塔撫臣  
吳興祚提臣楊捷及臣等會商若止于陸路  
進兵斷難必勝決須水陸夾攻臣百端籌畫  
不敢輕舉貽悞封疆審有可取之機方敢上  
疏自請督師始爲是言也侍郎臣溫岱入奏  
之言臣得之朱天貴天貴六月到漳招撫投  
誠之說天貴言之而臣始知之總之撫臣提

臣拜疏出師則平賊之首功已定臣何所容  
其慚妬乎溫岱曾云總督提督俱要和衷臣  
因望

闕跪誓不肯負

息豈跪部臣乎總之臣任闡三載雖無妬功  
之心寔有溺職之罪伏祈

勅部嚴加議處另簡賢能庶臣心安而臣心  
白矣疏入

報聞下部知之二十一年二月叙恢復海澄

克取金門廈門功予騎都尉世職加一雲騎尉時鄭錦已死子克塽仍其偽爵稱延平王凡事皆決之劉國軒等遣人賫書願稱臣入貢不薙髮登岸如琉球高麗例啟聖以奏上不許

諭趣水師提督施琅進征二十二年六月施琅擊敗賊眾取澎湖八月啟聖至澎湖經理糧餉是月施琅定台灣鄭克塽劉國軒等皆降啟聖還福州十一月卒年六十明年九月

部議啟聖修理船隻軍械浮帑金四萬七千兩有奇應追繳

上以啟聖素著勞績免之子姚儀初以捐納知縣從征福建康親王以遊擊委用同安之捷啟聖奏其督戰有功下部議叙以員外郎用選郎中應出爲知府

命仍以京官用議應授五品京堂

上以儀才幹素優且願以武職自効改都督僉事以總兵官用二十二年正月授江南狼

清沙名目卷二十三  
山總兵官至是襲職歷杭州沅州鶴慶總兵  
三十四年十月擢廂紅旗漢軍副都統明年  
卒

賜祭葬如例子法祖襲職

噶禮列傳

噶禮滿洲正紅旗人姓棟鄂氏何和哩之四  
世孫也由廕生任吏部主事游陞本部郎中  
康熙三十五年五月

聖祖仁皇帝親征噶爾丹至克魯倫河噶禮

隨左都御史于成龍督運中路兵糧以第一  
運米赴

行在軍營

諭吏部曰噶禮運米迅速甚為出力人亦可  
用以應陞之缺題補七月陞

盛京戶部理事官三十六年二月遷通政使

六月遷副都御史八月擢內閣學士三十八

年七月授山西巡撫四十一年六月太原知

府趙鳳詔發左都御史李柟私書噶禮以

聞李棟坐鑄秩調任四十二年十二月  
諭大學士曰頃以西巡閱視汾渭二水直與  
黃河相通若干河南府儲積米穀遇陝西等  
省歉收即可由黃河挽運以備賑貸但聞三  
門底柱水勢極溜其如何疏通轉運之法卽  
令陝西四川總督博靈陝西巡撫鄂海河南  
巡撫徐潮與噶禮會勘具奏明年三月奏言  
陝州東北四十里山石鑿分三澗中流爲神  
門南爲鬼門水皆洶湧惟北爲人門水勢稍

緩下流百餘步爲底柱再下爲卧虎灘溜急  
灘多舟行甚險請從陸撥運便四月噶禮奉  
命閱視汾河以河津至洪洞船皆可行自趙  
城至省石多灘淺非別製小舟難以運挽請  
仿楚省麻陽船式製造並咨取湖南熟練水  
手令土人學習濟運

上命與鄂海徐潮所奏挑濬渭河汴河情形  
並下九卿議行之四十四年七月疏言河東  
修築隄堰原以保護鹽池舊例工力物料無

不責之民間未免苦累若專責之商亦恐僱  
覓人夫輾轉貽悞請令商人出料民人出力  
庶使民無置料之費商免僱覓之累疏下戶  
部議行先是潞安知府員缺噶禮以霍州知  
州李紹祖保題補授及紹祖使酒自芻噶禮  
匿不以奏  
上聞之

命大學士九卿議罪擬革噶禮職得  
旨從寬降二級留任御史劉若蕓疏劾噶禮

貪婪無厭虐吏害民計贓數十萬兩知府趙  
鳳詔爲噶禮心腹專用酷刑以濟貪壑下噶  
禮回奏得辯釋四十五年七月平遙民郭明  
奇等以噶禮縱庇貪婪知縣王綬赴巡視南  
城御史袁橋呈控袁橋以

聞且列款入奏一通省錢糧每兩索次耗銀  
二錢除分補大同臨汾洪洞襄陵翼城臨晉  
聞喜崞縣長治介休諸處虧帑外入已銀共  
四十餘萬兩一指修解州祠宇用巡撫印簿

分給通省勒捐入已一縱令汾州府同知馮  
遴婪賍分潤一令家伶赴平陽汾州潞安三  
府勒取富民饋送銀兩一因詞訟索賄汾介  
休富戶亢時鼎梁眉銀兩一納孝義知縣杜  
連登賄賂調洪洞及連登以貪婪被揭復捐  
加庇護指稱訪聞列款輕叅一隱匿平定州  
電傷不報請  
旨究贓治罪下噶禮回奏會山西學政鄒士  
璉代太原士民疏留噶禮御史蔡珍疏糾士

璉職在衡文借代題交結撫臣朋比營私漸  
不可長且袁橋疏于七月十八日甫經奉  
旨是月二十日太原士民何以卽行具呈顯  
係誣捏噶禮與士璉同城委爲不知是悞憤  
也知而不阻是倖  
息也並請

勅部議處八月噶禮回奏以郭明奇等屢經  
犯案脫逃赴京誣告並奏袁橋蔡珍以無憑  
之事誣陷狀下九卿詹事科道察奏郭明奇

日中  
時南  
圖畫

日中  
時南  
圖畫

等交刑部治罪袁橋蔡珍以誣奏褫革降調  
有差士璉降級留任四十八年四月內遷噶  
禮部左侍郎七月擢江南江西總督四十  
九年十二月奉

命會勦海賊鄭盡心等與鎮海將軍馬三奇  
由吳淞口出海歷內外洋抵浙江定海界獲  
舟三及賊黨鄭茂余國樑等四十餘人因疏  
請每年遣兵駐馬跡山諸處邏海洋盜賊其  
浙江大衢山亦請遣兵駐守並令浙江官兵

天保

